

宜春縣志卷之四

人物列傳

山川毓秀代有人物其荒唐湮沒不可考者豈無其人斷自漢始紀實也嗣是經明行脩文章華國抗疏折檻之才雲蒸豹變蔚爲時望班班可考微獨事業在天壤聲名震古今其人者藉是以不朽而巖棲石隱婺室幽貞將使與斗文爭光顧不重歟作人物考

德行

宜春縣志

卷之四

人物 德行

一

漢

陳重字景公少與鄱陽雷義友善俱學魯氏詩顏氏春秋郡太守張雲舉重孝廉重以推義不許明年義亦舉與重胥爲郎有同署郎負息數十萬責主日至重代之還而終不言又同舍郎誤持鄰舍郎綉去主疑重重不辯市綉償之後同舍郎至以綉還人服重長者後俱拜尚書郎義黜重亦病免義復舉茂才亦以推重刺史不許義由是不應命時人語曰膠漆自謂堅不如雷與陳未幾三府同時

皆辟陳重雷義賢授重細陽長治有異政特遷會稽大守又以司徒辟拜侍御史後二人同隱居鷄足山卒合葬今卽其地名陳雷里

宋

夏執中字子權父協生女爲孝宗皇后追封信王補執中承信郎閣門祗候稍遷閣門宣贊舍人初后去家時協已亡執中貧甚及后物色得之攜其妻入京或諷使出而別婚貴族執中不應一日后親與之語執中誦宋弘事以對后默狀執中稍貴郎宜春縣志

卷之四

人物 德行

二

折節從師學善大字及騎射高宗行慶壽禮近戚爭獻珍玩執中獨大書一人有慶萬壽無疆以獻高宗喜賜賚甚渥嘗爲館伴副使與金使射連發皆中金人駭服孝宗聞其才將召用之謝曰異日無累陛下保全足矣官至奉國軍節度使提舉萬壽觀封宜春郡公寧宗卽位加少保卒贈大師

理學

□

哀皓字退山博學工著述咸通六年擢進士第任撫吉二州刺史有治聲龍紀元年自集賢殿圖書使出採訪圖書二年赴闕卒皓著碧池書三十卷俱註性理大旨自成一家言號碧池處士又集道林寺詩二卷並見唐藝文志

宋

彭俞字濟川少隱集雲峯學邃于易自號連山子紹

宣春縣志

卷之四 理學

三

聖四年進士知溧陽縣理冤獄甚多監司連薦之稍遷至朝散郎俞所著有君子傳三卷循吏龜鑑十二卷貫通篇五卷時識二卷文集二百卷

鄭銓字應權學通六經工大字長于詩宣和間兩貢上舍不偶棄歸學者踵門日衆建炎三年金人犯江西銓上書知州事王仲巖言時事責其守城著排姦黨說極論崇寧人才之弊年八十卒又嘗自號應菴學者稱應菴先生

明

劉迪簡學邃于易詩春秋吳元年徵入京授尚賓館副使陳時務五十條及進皇王太學通旨奉詔使交趾至南寧道卒崇祀鄉賢所著有尚賓集孫衢舉於鄉常州府通判楊州府同知有政聲

□義字宜之成化辛丑進士授吏部稽勳主事卒義操履端方問學典實文詞雅暢袁士多師之所著有葵菴集

袁一唯字嗣魯傳極羣書以教育英才爲己任一時出其門者皆卓犖有聲爲文宗古大家不屑以時

宜春縣志

卷之四

理學

四

藝擾其筆端尤精於性理語錄諸學其力排釋氏功不在昌黎伯下臨事論議風生不阿所好專精詩學著有詩經摘義久行世其他著述甚富惜年逾四十遂賫志以没子克生好學工詩文克紹厥緒

劉世華字歛之壬午歲貢孝廉衢之曾孫父光祖積學力行世推醇儒公生而穎異稍長博極羣書一時父子兄弟皆擅才名公尤倡明宗旨表章正學毅狀以斯道爲己任文章質古簡奧不屑時趨天

啓辛酉南昌令劉公夢潮得卷首薦必置之□一
人忤主司意遂中副車爲人剛介砥礪名節其學
耑以立誠主敬窮理格物爲功排衆論力尊程朱
四方賢士多宗之尤邃於易其易經秘旨諸書皆
爲後學津梁所爲古文詩賦力追漢唐著有芝房
雜藁異學辨若干卷他如倡修興賢文昌等閣均
爲有功儒林云

張自烈字爾公號芑山性鯁介勵行積學爲文高古
有尚書左國遺風由邑廩入國學屢冠多士爲姜

宜春縣志

卷之四

理學

五

謝二先生所賞識名大震一時閭門白下知名士
投契甚殷咸知有張芑山先生先生亦毅狀以守
待爲己任皋比講席固所不辭而校讎藝林尤極
謹嚴然以謹嚴之故間有疑謗卒堅持不易其生
平大概類如此自前朝迄

國朝屢膺辟薦俱辭弗就惟謝賓客閉戶著書寢食
不遑至老無倦容其著述甚富問世者頗多大抵
得力在大極圖說西銘諸篇也晚僑寓五老峯下
住白鹿書院康人士爭師之尤著有理學精義芑

山文集等書以□終郡侯廖公百子與公爲性□
交率郡之紳□□祭馬□誌不朽爲祔葬於洞□
青龍山載在洞□與朱□□陶端節兩先生□□
云

陳異言字汝說

嘉西□□

□人□物洽聞卓狀以道學爲

己任教諭宜興□上杭知縣清敕端□□同當路
續轉維摩知相□告養歸生平孝文廉靜寡慾講
學以性命爲宗以致良知爲主士多師之著有陽
明先生摘要一卷

宜春縣志

卷之四

理學

六

張自勲字不競號卓奄端方醇樸事親孝尤篤于友
愛重然諸慎取予博極羣書爲今古文獨出機杼
自成一家言幼補巴弟子□有文名屢試棘闈思
以經□經世未雅用遂隱身礪行潛心理學砥柱
風教□跡公庭非追義不相往來嘗曰士生斯世
□則□三□處則爲靖節舍是將安託乎其學以
□□心□□□□性情心正則岡不正而正心
□先寡欲□□□先集義所釐正諸書悉明道辨
□足□前人□□及生平多□□樸行不求知於

世世亦罕克知焉獨憲使施公愚山數與講學昌
黎鷺洲書院剖析疑義咸推服無間言其偕兄同
詩房刻各集已流傳於世餘四書衆解合糾五經
大全正誤綱目續麟廿一史獨斷朱陞折衷卓菴
心書等稿尙藏於家與芑山齊名學者咸稱誦弗
諼云

袁一菁號次莪會魁魯訓裔生而英敏博極羣書口
通性理周易於所治麟經尤精辨析疑義爲文不
尚鉛華旁及詩古文詞皆嶽崎磊落自成一家言

宜春縣志

卷之四

理學

七

應庚子科鄉試魁多士闡墨傳播海內爲人端方
嚴正以古人自期獲雋幾三十年家無半畝環堵
蕭然日鳩族衆倡明正學排斥佛老講究天人性
命之旨晚年授山西岳陽令未任而卒子克韶蒐
韻俱邑庠凜遵家訓其淵源盖有自云

張世竣字天極號淡狀博學弘才倡明正道以繼述
芑山卓菴兩先生爲志應童子科卽爲督學邵公
首拔旋食餼丁卯登賢書與弟邑庠世璣共相切
劘屢躋禮闈坦如也居鄉恂恂挹其光者如飲醇

醪以例授外翰未任家貧常鬻產以供饘粥不事于請講學集雲鄉盤龍寺嚴寒盛暑不輟大都以存心養性事天立命爲務所著有春秋秘旨性理纂要諸書方謀授梓乃天不假年癸未除夕沐浴端坐而逝未盡底蘊其文學德行近今罕匹士林惋惜焉子三英英有待

劉幼發字穎肇資敏好學淹貫六經手訂尚書輯解諸書多所發明詩歌詞賦其緒餘也食郡餼與弟長發試輒前茅二難競爽爲時所器重長發登庚午

賢書幼發雖屢困棘闈益肆其力于先正故其爲文渾灑沉雄歸胡瓣香至今未絕也常受知於郡守胡公延主義塾諸生爭北面焉子履謙邑庠生克紹經學有自來矣

易尙行字公勉明建昌訓導嘉男之子也負姿穎異制行端方不求聞達惟潛心理學沉酣于程朱語錄及大全蒙存淺達等書著有四書周易講義明季文体雜亂橫議四出公獨遵傳註羽翼聖經眞狂瀾一砥也未及行世僅傳爲家珍云

忠義

唐

盧絳字晉卿南唐初屢舉進士不第入金陵詣後主言當時利害請自京口至潤壁立柵戍守要害數十事疏入未報又書謁光政使陳喬與語奇之表絳光政院承旨尋轉沿江兵馬監押絳募人習水戰得馬雄等教之進退行列旋運如飛屢獲吳越舫艦以獻宋師渡江後主召絳爲凌波軍都虞侯稍遷沿江都部署吳越王錢俶以兵助宋克常州

宣春縣志

卷之四

人物忠義

又八

進攻潤絳以舟師逼京口而陳破吳越軍授潤州節度使時守將劉澄謀以城附宋絳昌園奔宣州金陵逢絳率其衆攻新安殺敕史龔慎儀趨福州江南郡縣頗動宋詔其弟徃招之始下及見太祖周之曰臣知事李氏而已會慎儀兄于侍御史穎訴絳賊殺從父損辱國威詔執付吏有言絳武勇乞全之太祖曰絳狀類侯霸榮畱之恐自貽患遂殺絳

明

羅 紳字尚訓宣德末年貢先任四川鹽亭知縣成化年間復任廣東廉州府石康縣知縣八年流賊陷城父子三人苑節奏聞立忠孝祠特祀又入名宦祠石康後廢廟祀併合浦

袁慶祥以貢入大學待選吏部上疏言賞賜過濫所出不償所入又論刑部尚書董方身不執法而折辱屬官以自厲又言正本澄源宜從學校胄監親民之職宜慎簡縣令黜衰老以息貪污宜用夏墳張元禎高明羅倫以從士望書奏詔杖之東華門

宜春縣志

卷之四

人物忠義

九

袁繼咸字季通號臨侯少砥志節登天啓乙丑進士授行人奉使致祭壽陽王禮成以王所遺名馬贈郤弗受崇禎庚年拜御史疏請辯君子小人進退之介甫兩月條奏盈篋爲讎者誣訐謫南行人司司副遷禮部主事時中官王坤以監視貪悍而張彝憲總理戶工事怙勢凌轢諸郎吏率望風蒲伏公屢疏痛言上頗采用癸酉典粵東試遷山西提學篤意奏行所拔識悉名俊晉舊有三立書院久圯公重葺之自爲論贊率諸生讀書會課其中貧

者餼之輒用家人父子禮巡撫吳甡疏薦其治行以忤巡按御史張孫振被誣逮問晉諸生伏闕訟冤都御史白其事逮孫振得復原官分守武昌改淮楊道尤多擿伏性倔強與督鹽中貴楊顯名抗禮顯名佯薦其才請加勅兼視鹽事實抑公受制也公倔強不問如舊遂坐免流賊張獻忠寇湖廣督師楊嗣昌檄公監軍禦之累陞僉都御史撫治鄖陽數困賊辛巳二月賊襲陷襄陽而公實分治鄖軍爲部議所摭復被逮繫論戊壬午薦起總理

河北屯田初總兵官左良玉軍襄陽襄郢連敗引踞安池間轉餉不繼兵寢爲暴上下數百里江帆中斷公徑趨小孤致書良玉責以大義復告都御史李邦華爲言九江道府移川黔餉十餘萬餉之左兵自是不暴掠然不宥一戰上特命閣部吳甡出視師始議設督府九江扼吳楚吭於是以公總督諸軍事公聞獻賊圍武昌疾馳趨左師西援見浮屍蔽江下指謂良玉曰大將軍忍見此乎左面赤然難其行公讓之曰大將軍功多罪亦不少朝

廷不督過之一歲兩遣中使宣諭開國徐中山所未有也奈何不圖報稱良玉左右以他辭爲解公叱曰人孰無死張睢陽死賀蘭進明亦死某行矣寧爲睢陽死不爲賀蘭生左大慚始進師先以五千人徃公捐金犒兵授計屢敗賊收復蘄州大冶武昌諸州縣賊棄武昌走岳州無何吳姓中讒罷公復改屯田會新督呂大器與良玉有卻聞于朝復移公督九江軍良玉挈兵還楚弘光立進封良玉寧南侯氣益盛公之再爲總督也雖以夙望見

推兵事多撓掣不盡由己出乙酉四月賊益東逼時南京用事者亂政良玉指清君側刼諸將盟欲南下公集諸將城樓灑泣曰兵諫非正晉陽之甲春秋所惡可同亂乎肅冠帶誓死未幾兵將洶洶卽良玉亦不能制夜入亂九江良玉見火起拊膺曰吾負江督吾負江督遂嘔血死是時
大清兵將定金陵 英王師壓九江矣良玉子夢庚以軍降挾公俱北公再四求死不得八月抵京數奉

諭旨令遵制易服以朝公辭不從自寒徂暑坐一室讀
易春秋史鑑及謝皋羽諸集作經觀史觀二書未
就丙戌六月二十四日復

諭令就官不狀且死公曰不殺固

清朝之仁效死實明臣之義越二日赴死于城東便
門里許三忠祠南臨刑色不變初公被拘舟中賦
詩見志有曰衰年哀二老一死酬至尊從容文山
節誰招燕市魂詩文及奏議多散軼不傳公惟一
子諱一藻丙戌殉父難事詳孝友傳中嫡孫克覲
克寵俱受餼曾孫振翻髻齡遊泮皆以遠大自期
洵乎忠孝之食報不衰云

宜春縣志

卷之四

人物忠義

十二

寓京邸易僧服詩云秋風兩月白盈顛五十年
來始學禪粗衲新裁還潤袖幅巾平褰任垂肩
須知大地堪容芥但悟無生不繫筌白社荒疎
那得共虎溪飛瀑半天懸
聞盧侍御薦疏作解嘲詩云從容久習無生忍
浩蕩稽誅有罪人溫諭兩勤非屬吏痴腸九死
只爲民山公啓事汙新簡叔夜通書絕素因□

罷閒情休錯訝黃花老興不懷春

邑人楊文盛輓詩二道

翠聳層巒天際頭百年秀傑自孤流乾坤正氣
人能立河嶽精英爾獨收取義不因身世餒成
仁早就日星畱文山自古稱雄峙今日如公始
共遊 罔作王生生祭文知公富貴視浮雲網
常山重身攸繫鼎鑊飴甘義特榮氣到至剛徵
學力節逢難奪見真存莫言養士無多報三百
年來獨有君

經濟

漢

彭翼獻帝朝歷建平長北海大守封宜春侯

晉

施游仕爲大常寺博士安南將軍歷九江大守封安成郡宜春侯

梁

湛佗仕爲宣猛將軍散騎侍郎

隋

宣春縣志

卷之四 經濟

十四

譙德衡仕爲信威將軍本州刺史封安成侯

明

郭紳字廷章成化乙未進士授寧海知縣侍講方孝孺縣人也事淹國禁紳至首刻方正學集創祠祀之擢監察御史巡按雲南歷陞貴州叅政福建布政使大僕寺卿至南京刑部右侍郎卒紳器字凝重雖歷崇顯而居鄉待人不設城府寬厚簡樸有長者風子叔正德丁丑進士授刑部主事歷官雲南僉事貴州叅議

高琬字德資成化戊戌進士歷知松陽上海二縣治
行第一擢南京監察御史歷陞浙江左布政使右
副都御史撫治鄖陽琬器貌端重曉達民事慎名
檢守松江俗尚侈靡身爲儉約食不重肉客至魚
鱸果脯一飯而已河南襄漢盜起琬同都御史彭
澤討平之璽書獎勵賜白金文綺召還將大用遂
謝病歸年八十有五卒初姓劉後復姓高祀鄉賢
子祉中鄉試任大僕寺丞

張鳳字應時成化辛丑進士授江浦知縣歷長樂內

宜春縣志

卷之四

經濟

十五

黃皆有政聲歷陞廣西叅政奉璽書掌思恩軍民
府事時土寇爲亂至則斬其渠魁撫循其衆地方
以寧轉南京大僕少卿尋陞南京都察院右僉都
御史提督操江改巡撫蘇松三河盜起齊魯騷繹
河運不寧進右副都御史巡撫山東兼理河道事
平力陳致仕卒于家
何爾字邦美嘉靖己丑進士授舒城令持廉秉公吏
民畏服擢兵部主事改河南道御史巡按蘇松一
意激揚微行出訪遇舟子爲地方厲甚竟治乏三

吳大吏憚其丰采入掌計典公平不阿林居十載
執政復以書起辭曰吾守吾舊不能降心以從人
也每郡中有大利病侃侃陳說人德之

楊以誠字明夫嘉靖戊戌進士授行人奉使岷藩擢
廣東道御史巡陝西茶馬嚴絕吏弊復巡按廣東
約浮費簡將士彈劾不職贓吏望風解者十餘人
兩監棘闈搜剔積蠹以遭謗歸里行李蕭然人服
其清

易可久字德卿號鳳坡生稟奇姿雄踞詞壇嘉靖戊

亥春縣志

卷之四

經濟

十六

午鄉試乙丑成進士令吳縣聿著賢聲調金華府
司李政清刑平分房拔士皆名俊陞工部主事督
脩皇陵歷有成績適值黎人叛亂以公素嫻將畧
命征之撲滅奏凱超擢廣東僉事遇海寇載貨至
郡借貿易爲名偵探虛實公廉得其情執以獻有
內監欲匿貨不報公堅拒成隙反唇誣奏命下都
御史海瑞審詢搜其家僅書籍及敝衣數件而已
遂優陞四川叅政未幾因親老解組歸囊篋蕭然
工于詩文其稿悉爲賊焚有修縣學碑文是其手

筆至今存

袁業泗字時道別號景源萬曆戊戌進士知樂清縣
改蘭谿丁父憂再補龍溪所至著循績擢南京兵
部職方主事□武庫員外郎中特疏請撤湖口稅
璫李道遂罷其榷江上下千里稱便知漳州府漳
故多盜公梳櫛綢繆俾無震擾士民親附乙卯歲
饑公發倉賑之又勸民出粟分遣諸吏乞糶潮陽
諸鄰郡以濟□給治糜置藥安集拯救無遺力全
活數千人後以人艱行漳民繪圖祀公一時稱盛

宜春縣志

卷之四

經濟

十七

事兩□陞福建屯監道副使公爲人端亮有介節
高行念毋大恭人年八十餘乞養家居天啓中閩
黨魏忠賢等亂政公堅臥不出崇禎改元召補廣
西副使分守左江其俗多不知學公誘以文教士
類興起遷廣東叅政分守嶺東與分巡謝璉平九
連山賊地介惠潮兩郡多反側肇置連平州所部
以寧遷浙江按察使未至以功賜白金文綺徵爲
南京鴻臚寺卿加一秩公將赴浙時會廣寇劉香
等蠡起震濱海諸縣督府畱公央策議者請撫公

不可曰國家全盛蠹爾鼠子憑山海陸梁義當滅
此朝食議撫是長盜也且賊性觀望叵測聽之殆
矣督撫猶豫不能用公遂謝去代公者果以輕撫
墮賊計死乃合兵勦平悉如公言是時有識者爭
倚重公公在鴻臚二年歎曰卿曹雖可臥治奈何
老不知止哉再疏乞骸骨歸崇禎甲申三月聞京
師陷痛憤成疾八月終于家享年八十一而乞養
家居者十有三年予告者十年杜門屏跡不齒利
祿篋無長物自守令至藩臬分司多在閩粵間山

嘤海滋威著惠行閩粵五嶺之民皆曰是于我大
有造其字漳時黃石齋道周爲諸生公獨早識之
卒爲名臣嘗修郡志辨袁州糧額誤編狀請紓民
困後議汰浮糧卽引爲依據表黃大常子澄遺事
具載于書他如周族黨建義倉治橋梁凡有裨于
郡者輒身先之不以私干公府文詞詳贍樸茂著
有訓蒙編燕游艸兩朝奏議秀橋歸來集若干卷
子繼樟繼梓皆賢樟貢士早卒梓康熙甲辰進士
袁一鳳號鳴岐萬曆己未進士器宇修偉操履質實

初工部主事陞虞衡員外郎中曉暢□事善治□
劇逆璫廉其能有意鈎致之公持不爲動守西安
清介自持不妄取一錢未幾遷副浙憲時海塘崩
潰奉旨修築估費十五萬金公身任其役田四萬
金而工成浙人德之歷楚藩臬久之以塘功加右
布政使癸酉卒於官

梁應□號赤心乙卯舉人爲人和易醇雅而搯履井
狀抱負甚大課兒刻苦不倦辛未同男佳植銳志
南宮子捷聞始筮仕樂陵士民貼服以循良著聲

宜春縣志

卷之四

經濟

十九

甲戌士計擢光祿署正卒于官弟應賜丙子鄉試
子佳植辛未進士

潘士聞字亦式乙酉孝廉懋勲之仲子也少秉英姿
一目十行長而馳聲藝苑邑令錢公器之果爾戊
午登賢書己未成名進士初令鉅鹿調繁令清風
所在著廉能聲欽擢爲工科給諫紺劾無所顧忌
時負直揮名丁卯典試閩省人彀者皆英雋也注
念母年漸高解組家居清約仍如寒士足不輕履
公庭有以干謁促公者悉婉辭以謝值丁丑臨藍

盜至攻圍郡城公偕郡守邑侯諸紳士竭力固守
城賴以全每遇地方諸大弊輒率邑中賢大夫白
當道一舉而盡釐之民皆德焉迄子師質令嘉定
諄諄以愛民禮士致囑蓋以己所夙蘊者俾踵事
而繼武也清風邵德良可師焉

袁一鰲字占梅號瞻嶮萬曆己酉舉人授江山知縣
調邵陽由南大理評事陞刑部主政以恤刑審決
江南擢寶慶守吏民悅服喜獎拔士類以忤岷藩
解綬公爲諸生才名爲多士冠邑侯張本嘉尤獎

借焉常呼袁子不置口兄弟七人公居長親愛諸
弟毋倦色婚配肄業皆其所成立最後撫愛諸姪
無不盡情教盲使之有室有家更有其名尤喜人
勤學能文姪克宥撫爲己子更倍于親生其友愛
至情至今古道猶照大焉自服官行政守正不阿
事治民安奏最稱職所謂批郤導窾迎刃以解也
宦成家居日以墳典圖書自怡悅尤好爲時文課
其子若孫終日不倦乙酉以壽終

袁業廉字觀□萬曆丙子登賢書知四川開縣清廉

耿介釐剔積弊民用不擾遷嘉定州守念毋春秋
高重違膝下移疾歸與弟觀察業泗同侍母黃大
恭人庭闈聚順時恭人壽百歲公年八袞班爛戲
舞人爭傳爲盛事

陳鐔字洪器少多抱負視科如拾芥屢試孫山年五
十余始以歲貢入試雍闈中英宗己卯科應天鄉
試庚辰會副初試南大理右評事以忤時貴謫廣
東恩州吏月後擢瀘州大守課士勸農清勤自矢
惟飲地方一杯水會天旱公率紳士日夜請禱勞
宐春縣志

瘁特□以疾卒於官宦囊蕭狀妻子不無饑寒賴
州人士歛金相助其子始克扶柩旋里
彭澄字勉定係安福人因父彥克緣事入宐春籍頂
戶祖三膺額貢官光祿寺署丞事親則孝事君則
忠清正不阿卒於官後人傷之

彭夔字師舜號方洲係安福彥克之長孫登弘治乙
卯舉人丙辰進士歷任工禮兩部主事員外郎中
福建叅議廣西叅政廣西左布政使忠君愛國

承流

宣化有甘棠遺風至久而嫡爵竟無存者宐春
田產悉賣戶名別頂而嫡爵竟無存者宐春

國朝

陳之龍號去亢登天啓辛酉鄉試爲人明敏英達有文武才初任常德司理風采卓狀歷守乾州同知西安銳意當世聲望大著遂監賀軍治兵關內順治乙酉擢授巡撫廬鳳淮揚等處地方都察院右僉都御史公至加意拊循威惠並訖後以疾歸鍵戶著述課子數畱意地方如汰浮糧輯郡志等事尤卓卓云庚子卒所著有甕湖小草偶唵諸集今祀鄉賢

宜春縣志

卷之四

經濟

二十二

梁佳植字南有乙卯孝廉應暘公之子也英資杰出學貫天人弱冠卽聯駕風雲闡墨悉傳播當世分符餘姚琴心雅化能于催科中而寓撫字未幾丁父艱歸里服闋起補建寧聿著廉能聲擢膺容臺司禮樂之權旅奉簡書督學西粵凡所賞識者皆一時英雋之士也既而謝政恬退高臥東山雖當路起之同譜邀之而不果出其道氣和風雅致逸韻怡怡狀自若至浚李渠修秀橋凡有裨於郡邑者莫不與有其功也時郡守邑侯欽公邵德懋昭

請任飲賓以光大典亦藉以彰公品行焉
潘于遠字鴻友生有異徵讀書挾奧旨身體力行弱
冠食餼郡庠樹幟春麓社順治甲午奉特恩學
拔廩生一人入成均文衡趙亟乙藝而矢務羅眞
才得卷驚曰經濟士也拔冠軍車選充官學師時胄
子皆勲裔驕縱難馴乃爲德威懾服無敢嬉于學
而譁于市者滿漢司成咸異之超除姑蘇別駕至
則凜冰摻革陋規發奸剔弊一路肅狀見重于巡
方許公試以繁劇發疑事凡三千七百有奇傳餐

秉燭彌月而訖悉得情巡方益服其才姑蘇國儲
甲天下徵解往往遲誤撫軍韓公檄委親徵所至
革羨懸賞多方勸誘不兩月八州邑皆足額得先
期抵淮河督朱公崙委兼督又先期至通方紀叙
超擢以會審案牽左遷中州理問攝陳留篆其潔
己奉公一如蒞蘇時邑大水遍歷阡陌相度捍禦
邑舊苦銅觔柳梢請于上減之民皆尸祝擢建寧
司馬其清節弘猷三地一轍旋以毋安人憂歸宦
□蕭狀布衣蔬食泊如也服除年甫五十托□□

出家居謝請托絕奔競不輕入城市獨有閩地方
事如大災大荒秀江橋昌黎祠纂修邑乘類皆直
任不辭郡邑咸敬信之性至孝親在捧檄服闋不
起洵五十猶慕者生平嚴正不阿寡言咲凡親族
交游急則周之爭則解之壽七十一終子若孫衆
且賢食報綿綿其未有艾

張潛字二見以明經任廣西西林縣二尹撫循有方
署思恩府分府值吳逆犯順據地遂掛冠歸俄而
簡親藩奉命督師進勦招四方智畧之士贊畫公

宜春縣志

卷之四

經濟

二十四

毅狀起應運籌決勝大將軍穆嘉乃丕績題授湖廣
攸縣令時當戎馬交馳軍需孔亟公獨善爲謂劑
治攸六載禮士惠民口碑載道以父憂解組去之
日士民拔轅號泣士林彙鐫輿人誦去思吟皆成
帙歸橐蕭狀北堂垂白偕弟洪泳淑水承懽及母
卒居喪過哀無意仕進晚年益好施濟日以修葺
廟祠爲事心力多爲之瘁戊子上巳翌日無疾而
逝年七十子國標國權俱大學生國柱郡庠□□

文學

唐

湛賁初爲州吏其妻與彭伉之妻兄弟也伉擢進士第親族集賀之座皆名士以賁胥獨飯之後閣妻數之曰男子不自振勵顧困辱如此賁由是感憤力學一舉登進士上第伉聞賁舉方跨驢赤板橋驚墮地時人語曰湛賁登第彭伉落驢

彭伉祖雲元宗時徵士伉貞元間擢進士第授石泉縣令歷官岳州錄事叅軍有聲

宜春縣志

卷之四

文學

又二十四

盧肇字子發兒時見宜春令盧萼奇之曰子異日有聞乎肇于是益力于學舉會昌二年鄉試入京獻書侍郎王起時起知貢舉遂以名薦擢進士第一授潼關防禦判官初肇之未舉也李德裕謫州長史殊遇肇後肇應進士德裕復入相見肇至喜曰吾喜爲金榜得狀元矣遂魁天下爲判官雖受裕知己絕無倚附久之使相盧商大尉裴休左僕射盧簡求先後奏辟從事稍遷著作郎除倉部員外郎兒集賢院學士進朝散大夫持節歙州諸軍事

在國欽州刺史肇于是觀日月之運察盈虛之理
審黃鍾窺碧落倣司馬遷張衡之書廣相如子雲
之奏爲海潮賦且叙其詞以獻賦成上之詔褒諭
宣付史館移真宣池二州遷吉州刺史卒所著有
文標集子文秀咸通中進士爲長安令有聲官至
弘文館學士

易重字鼎臣金昌間舉進士第二是年張清第一會
有詔覆試清黜以重代之官至大理評事著文千
餘篇今亡游宦筠之上高袁州狀元在唐有盧易

宜春縣志

卷之四

文學

二十五

或云韓退之之教也重子賈五代史載作又賈仕
南唐雄州刺史子延慶見孝行

盧邈肇族子唐末預湖南計偕舉進士有迴文詩二
百首官至秘書省正字

黃頗字無頗韓愈爲州刺史頗師之爲文章遂大振
與盧肇齊名素不相下頗鄉試高等而肇狀元及
第會昌末頗亦舉進士爲監察御史有文千篇行
于世

鄭史字惟直開成元年進士爲易學博士積官永州

刺史有賦百篇亾又有詩十二首見直陽集字□
谷

盧文秀咸通六年進士爲弘文館學士盧子發之□
也子發名燥一時其氣亦復豪邁逼人文秀經□
後爲名遊士居館閣絕無聲華馳驟之態意其□
糟泊一□眞欲湮霞道上者殆過子發遠矣子□
得君而□彰云

鄭谷字守愚穎悟絕倫七歲能詩侍郎司空圖嘗與
史同院見谷奇之問曰某詩有病否谷曰嘗見□

宜春縣志

卷之四

文學

二十六

江晚望斷篇云村南落日間回首一對鴛鴦落渡
頭卽意深矣司空嘉拊其皆曰當爲一代風騷主
光啓三年中進士第始爲京兆府鄠縣尉後爲拾
遺補闕當時正人多稱之乾寧四年以都官郎中
退居于仰山東莊之書堂以卒谷詩清婉明白爲
薛能李頻所稱其淵源自得窮極理致徃徃人罕
知之僧齊已有詩名以詩謁谷有自封修藥院別
下著僧牀之句谷曰善則善矣有一字未安數日
復至改云別掃著僧牀谷嘉賞結爲詩友齊已早

梅詩云前村深雪裏昨夜數枝開谷曰數枝非□
也未若一枝齊已不覺設拜自是士林呼爲一字
師谷始登第與許棠任濤張蠙李栖遠等十人同
有聲謂之十哲而谷尤以吟詠顯有詩四百篇嘗
從僖宗登三峯朝謁之服寓止雲台道舍自編其
集曰雲臺篇傳于世其詠鷓鴣詩尤工號鄭鷓鴣
南唐

沈彬字子文少好學屬唐末亂離隨計不捷南游湖
湘隱雲陽山與浮圖虛中齊已俱有詩名尋歸鄉

宜春縣志

卷之四

文學

二十七

里時李昇鎮金陵旁羅隱逸名儒宿老命郡縣起
之彬赴辟知昇欲取楊氏因獻觀畫山水圖詩云
須知手筆安排定不怕山河整頓難昇覽之喜遂
授秘書郎保太中以尚書郎致政徙居筠之高安
以卒

王穀南唐初登第長于樂府有鴻門讌苦熱行暑日
觀道傍樹玉樹曲尤膾炙人口其玉樹曲云內宴
明朝日玉樹新妝逞嬌逸三閣霞明天上開靈鼉
震疊神仙出天花數朶風吹綻對舞輕盈瑞香散

金筦紅絃旖旎隨霓裳玉佩參差轉璧月夜瓊櫳
春蓮舌泠泠詞調新當時狎客盡尸祿直諫犯顏
無一人歌未闋晉王殿上粘腥血君臣猶在醉鄉
中一面已無陳日月聖唐御宇三百祀濮上桑間
宜禁止請停此曲歸正聲願將雅樂調正氣轂未
第時嘗負氣忤人人欲毆之轂揚聲曰莫無禮我
便是吟君臣猶在醉鄉中一面已無陳日月者其
人歛衽慚謝而退

宋

宜春縣志

卷之四

文學

二十八

易著明字晦之博學精于聲律累被鄉薦時人爲之
語曰宜春易著明擲地作金聲與石曼卿延年爲
詩友太常少卿張羣贈詩有之子宜陽秀文章甲
輩流之句天禧二年賜三班奉職終于左班殿直
李衢字叔達唐西平郡王晟裔孫也大中祥符元年
登第官至屯田員外郎嘗倅筠陽寬慈不擾後以
子贈特進子士安士燮孫班政和八年登第
李士安字永和以特奏同學究出身爲人不妄喜怒
累爲州牧後請老得養生之術視聽不衰年九十

七卒官至朝奉大夫

李士燮字和甫初名梁登慶曆六年第後改今名爲人剛正不撓所至吏民畏愛嘗知郴州人未嘗見其笑容仕至職方郎中

李觀士安從侄度量如黃叔度文章如元次山嘗著論有顏子幾之內孔子幾之外之說史傳諸書過目成誦慶曆二年試南宮賦偶失韻主司嘉其策特奏名登第時方冠知清江縣事熙寧初爲大官令會重修御厨奉神宗旨撰記尋言役法不便出

宜春縣志

卷之四

文學

二十九

倅括蒼題詩直廳有自知不是公侯骨夜夜江山入夢來之句元祐初監江州太平興國觀司馬溫公爲相以書召觀觀許之後而淹畱江上日久比至京溫公已薨除虔州不就請監南嶽廟以歸觀嘗創玉谿洞自號玉谿叟爲之傳洞有抱一堂水仙亭香雪塢錦繡谷常醉吟其中於世味淡如也少好神仙嘗遇異人劉海蟾後撰萬載燕州神記及岳州呂公亭記每以得道自任而排斥釋氏至老不衰將卒數日口食惟覽太平廣記神仙事跡

且曰蓬萊方丈五□□乎卒年七十三累官朝議大夫

袁邇臣唐碧池公皓之裔孫也慶曆六年進士遠祖高上公京懷才蘊德泉石幽貞歷傳支庶繁衍邇臣其一派也是科直春捷南宮者五人當仁宗朝多士雲蒸邇臣釋褐朱筮仕而旋里日與親友知契笑傲牖下以詩文自娛雖同年五人罕得親其面其視碧池公與遠祖高士又何其符契耶

曹傳元符三年與弟藻子遷同登進士人名其堂曰

宜春縣志

卷之四

文學

三十

三桂傳官至朝請郎知常州藻宣教郎知益陽縣遷通直郎知彬州兄子邁崇寧中進士積官中奉大夫廣西運判直秘閣兼權安撫使

張瑄字子律少從學郝元鼎熟于典故尤工五言詩歷官州縣以材諳稱立朝靖重不苟守嘉興卒上念之加直秘閣瑄平居不事生產仕至二千石喪歸貧無廬其清約如此然勇于爲義周人之急未嘗以匱乏辭子嗣古

張嗣古登紹熙庚戌進士甲科歷起居舍人官至中

奉大夫直龍圖閣直寧縣開國男食邑三百戶致仕卒嗣古有文名慶元以後凡郡邑紀述文翰多出其手弘碩典麗蔚爲時宗詳見宋宜春郡藝文志

趙善堅字德固宋宗室家宜春乾道間進士簽書婺州判官朱熹爲浙東常正使器之歲旱賑卹有條所全活甚多歷官皆有治聲官至戶部尚書

孟浩字養直乾道間進士知武寧有聲王闡自豫章召叅大政力薦之朝遷國子監丞出知湖州與貴

宜春縣志

卷之四

文學

三十一

幸忤罷歸起爲潼川路轉運判官尋以直秘閣提舉四川常平茶馬浩狷廉不妄取與強明精敏洞見事情常以州判官攝臨江軍奉給一無所受爲文章有法度所著有語枝集

袁孝顯紹興三十年進士邇臣之孫也官大理評事請終養回籍旁通形家諸書因相度地形與其父卜宅于縣之北鄉鷄冠嶺橫塘因家焉父子家居惟以孝友訓其子若弟與泉石麋鹿爲友殆易所謂高尚其事者與

羅長康字偉正進士歷官寺丞出知永州迎其父以養因名州署之後堂曰戲綵待制胡寅記

夏鎮字定遠以春秋登進士授茶陵州判官終奉訓大夫鎮學行端飭爲文章簡嚴有法度學者多宗之

元

袁州海牙字伯源高昌人祖爲袁州稅務大使遂爲宜春人海牙登至正甲申進士授承事郎進賢縣達魯花赤興革利害茂著廉勤餽公宇新學舍爲

宜春縣志

卷之四

文學

三十二

士民仰戴善屬文

夏以忠字尚之宋信王夏協族孫號懷魯軒以春秋試大都路流寓科第二授翰林國史院編修官調國子助教遷大史院都事洪武元年明師克燕悉官其知名士以忠獨以老病辭詔許歸會遣使搜訪元史強之如江廣以忠辭不得命行至番禺卒大史金華蘇伯衡著文哀之

明

劉澤民字朝佐邃於經術能詞章洪武元年以賢才

舉授縉雲知縣有政聲民稱劉父陞嘉興府同知
朱鑾少浮湛里中不事作業年三十二見諸生學心
慕之始挾冊入鄉塾昕夕□嗶忘倦里諺曰朱落
拓三十二歲讀大學後由鄉校升國子領京闈鄉
薦爲徐聞知縣純實方確有古風鄉黨尤稱其孝
袁魯訓字宗道唐碧池先生之裔生而穎異有詩文
名清高自守曾賦桃花馬詩見志鈐邑令大奇之
景泰癸酉鄉薦登成化丙戌進士授東陽令蒲鞭
不事丁外艱服闋補蒙城縣豈弟慈祥擢北行人

宜春縣志

卷之四

文學

三十三

司正時汪直萬安輩專橫公雅志解組適同年羅
一峯以論李賢見謫遂歎曰直道不容如此哉乃
慕五柳先生之風老和樂園植六柳以自娛號六
柳居士山居十餘年不入公門有司罕見其面詳
門人都御史張鳳傳中

郭鵬字時舉弱冠中鄉試第一明年入胄監沈思日
進益讀莊騷秦漢以上文祭酒崔饒試之魁大學
卒年二十九

龍夔字舜卿弘治庚戌進士授儀制主事主客郎中

陞大平知府歷官克稱其職以疾致仕卒
劉衢字嘉謨邃於經術嫺詞章爲文出入經史落筆
驚人弱冠領鄉薦第九歷官常州府通判楊州府
同知清廉不擾銳然以興學變俗爲己任所至多
惠政公餘尤好與諸生講學論文江左知名之士
皆出其門祀名宦

郭叙正德丁丑進士歷官按察司叅議紳之子也好
學工詩賦無貴游氣息所謂鐵中錚錚者居官所
至有琴鶴操不忝乃父之聲惜其詩詞盈篋而少

宜春縣志

卷之四

文學

三十四

流播耳

高祉字用介琬之子嘉靖千午科歷知鄆縣江浦南
樂三縣陞南京大僕寺丞琬居風憲職赫赫有聲
祉閉戶勤學好與知名士分晰疑義若不知有門
第者屢試岩疆輒有惠政在民至今謳思焉
楊以正字吉夫舉人博學工古文辭居母喪不就內
榻者三年性剛介寡諧晚號大仰山人尤砥礪名
節雖屢困吟誦自如不仕卒郡守劉公錄其行爲
文哀之所著仰山藁藏于家

劉應選字志伊號傲韋副使廸簡之曾孫幼聰穎絕倫過目成誦稍長學益博精通五經諸史百家言年十一爲郡諸生屢試冠軍尤工古文詩賦落筆語輒驚人以選貢授南京詹事府簿奉使潞藩不受餽遺改直隸長蘆運判清介剔除積弊多所建白爲當事所器服稍遷本都運同以剛直忤權貴尋謝病免官居家十餘年恬淡自甘日與諸生講學賦詩學者稱爲秀川先生年五十九年

袁業渠字時薦學通經史百家言與兄濂泗切劘砥

宜春縣志

卷之四 文學

三十五

礪目相師友不事請謁慨狀有志當世之務爲文力追古大家邑今張公本嘉噐重之萬曆庚子鄉試捷音至張公豫列渠名以待揭報果中式以土公車卒于途

朱任字子重爲人高潔疏宕嘗自矢以聖賢可師侍父疾三月不解衣及舉明經司訓進賢身卒諸士厲廉恥未幾致仕諸生白督學固畱至欲立碑志思焉生平不治貲蕭狀懸磬人以重金請輒却之往往以詩文見志云

李素字純白府學歲貢庚辰特恩進士授高淳知□
博涉工詩翰詞賦如斗酒奏清平倚馬草露布其
所長也所著詩文盈篋多散軼失傳今鄉里耆英
猶能誦說其長短歌行任高淳三年一以德化民
至今奉祀不衰

袁業汾字逝斯江督臨侯之父也勤學篤行除大小
應試外跬步不出日居塾課兒世法俗情了不相
涉乙丑季子成進士時年六十有二丁卯貢于鄉
遂日與諸耆英爲洛社之遊者二十餘年季子歷

宜春縣志

卷之四

文學

三十六

官僅至江州兩月耳丙戌季子死節燕市泫狀洒
涕曰取義成仁夫復何憾卒年八十六元配大夫
人周氏同甲子生卒年九十有九歲另載壽母傳
錢經濟字駿伯少穎異好學淹貫經史百家言天啓
甲子鄉薦闈墨一時紙貴屢上公車癸未中會副
隨授大理府節推未任而卒爲人醇厚端謹與弟
仲偉孝友篤于天性終其身並不知分財異居爲
孝廉二十年惟知下董子之帷駸駸上進惜其幾
成而失之也

湯民熙字清海中丙子科鄉試少年爲文縱逸奔放
有千頃百折之勢遇試輒壓多士及壯沉酣經史
束浩瀚而歸簡練遂獲售于棘闈生平尚氣節不
爲物撓屢赴春闈數奇不第乃其小就而振鐸于
會昌恒進諸生勤爲砥礪以期無曠厥職未幾厭
名利場醉心泉石發其身

梁應賜字儼咫賦性英敏少好學四壁櫃櫝集書萬
卷兄弟叔侄日夜講習其中爲文根極理要醇雅
精粹青錢中選丰姿磊落塵俗不入其懷由選貢
宣春縣志

卷之四 文學

三十七

中崇禎丙子鄉試負大志不欲就職兄應暘侄佳
植同時科第一門濟美人共羨之

何山字叔子幼穎悟文特縱放督學雲怡蔡公廣成
侯公屢拔第一崇禎己卯魁鄉試庚辰會牘餘姚
孫公嘉績首薦主試薛公弗錄識者歎焉學邃於
古爲文構思沉摯語必驚人其奧折精渺令人沉
吟深入而不盡其蘊底江左諸士咸欣慕焉與兄
江友愛至篤家事悉聽處分江亦悉心經理不以
分其學業人以爲二難云

□繼袞字子衷袁熙之孫稽古邃養足不履公庭力
追崇祖烈與何叔子易又尹諸名宿風雨連床分
晰疑義大守王友寰司李王懋弼下榻視學竟日
不忍去屢試爲督學陳雲怡侯廣成首拔著有自
怡草皆本先正大家甲申歲薦咨授翰林孔目未
任卒子一進孫克舜俱諸生能文

羅袍邑廩生生而穎異弱冠爲諸生稍長更折節讀
書博物洽聞試輒拔高等鄉試屢中式每阨副車
鬱鬱不得志遂絕意進取黽勉教子克有成立而

宜春縣志

卷之四

文學

三十八

卒

國朝

袁繼梓字勝之鴻臚公泗之次子也少敏於學侯廣

成先生拔冠軍貢選入京壬午北闈副榜丁酉復
由諸生中□試甲辰成進士庚戌謁選夢入嵩山
少室辛亥卒于京邸嘗從施愚山先生講學于青
原白鷺間又勦力重葺昌黎書院力增科舉及修
秀江石梁橫塘義倉克承先志焉生平孝友喜談
論美丰儀欵洽勤儉同人咸欣慕之遇公事知無

不言言無不盡如汰浮糧辨遠衛將以經術飭吏
治惜未得試其所長耳子一煊貢監生循謹而文
稱其家學次子一焜邑諸生早夭

李京字高叔府學歲貢強記多聞修身勵行接賓友
動循禮則抑然有以自下者爲文醇而肆奇而正
每試輒列優等與伯兄純白才名相頡頏其蘊藉
流風殆過焉癸未擢左兵之難頭被數創幾斃賴
匿屍中獲全蓋平生厚德之報云子從時府廩生
工詩文

張幼巡字同許歲貢嗜古力學文思警敏豐贍與同
時何叔子伯仲齊名廣成侯先生深器之其文堂
堂正正沉摯雄渾可置漢魏之座壬午以句有蒙
莊寓言黜副卷未幾年恚憤而卒惜夫

易嗣重字又尹自幼嗜學十五補弟子員生平好古
博通經史下筆語言妙天下已已督學雲怡蔡公
奇之與陳大士揭萬年同恩選嗣是而交游日廣
吳門張天如楊維斗輩相與講道論文以斯道爲
己任同里有何叔子等倡明古學南雍秋闈得而

復失者二處友朋不阿所好後放情山水扃戶課
兒丁亥奇荒斗米千錢族黨賴以舉火者百餘人
復不事生業耻干謁惟以孝友傳家著有澹園文
集自怡詩藁卒年七十二胞弟嗣望子鳴雷敬承
庭訓俱列府庠

潘士斗字維樞贈君騫之孫同知于達仲子也生而
穎異八歲能文稍長受義方訓敦孝友尚氣節髫
齡食餼郡庠猶啖薺刺股以祖父家學有源益潛
心程朱學語及科第特芥視之癸卯試于鄉太史

陳學山先生得其卷大驚曰此孔孟正脉也經則
神乎古矣遂以麟經魁江右時年尚未壯都人士
口稱公淡然自若不異平時嘗語昆弟曰平生志
不在温飽王沂公眞我同心其卓狀自命顛如此
爲人磊落謙和雖席貴盛恂恂狀有以自下賢士
大夫咸以遠大相期許特賦質脆弱公車風塵中
抱疴南還未幾賚大志以沒九載孝廉家無擔石
妻子不免凍餒其爲人狷介蓋可知已邑之人僉
曰有是哉積學力行不獲永年際大遇天之報施

善人何如哉狀其德與言猶足垂不朽於後世
林邦楨字子維粹養士也總角遊黌序五旬受餼爲
督學趙先生所賞識拔置特等優禮獎借恂恂如
不勝衣未嘗有幾微形於色行文如呂梁瀟湃一
瀉千里爲諸生六十餘年十試棘闈至老不倦迄
貢期滿年近八十矣辭不就卒年八十有一長子
燦字叔昭善承義方之訓淹洽而文孝友醇謹下
筆千餘言不竭咸稱爲倚馬才屏跡公庭十大夫
悉器重之齋志先公而逝未竟所學惜哉

潘師質字子方給諫士聞之子也性甚敏沉酣于古
文詞旁及詩賦舉子業更不足道年弱冠卽登賢
書猶瀟洒放逸絕無紈褲態畱心地方之務
國初有戍卒糾黨毀文筆峯公犯難力争獲令修復
邑人士式賴之他如輯郡乘汰浮糧修秀橋皆劬
勩任勞有功於桑梓實多辛丑令嘉定有惠政邑
舊多積逋案牘紛煩公悉行寬大致以此掛議去
之日攀轅者以萬計非感之深不致此公雖因憂
鬱遽卒產盡嗣絕狀功在兩地至今人多思之古

云其次立功惟公有焉

袁一芝字幼馨選貢貫穿百家文成翻水所試輒冠軍爲蔡雲怡侯廣成兩先生所賞識爲人堅凝厚重絕遠榮利性喜獎誘後進卒爲數奇屢困場屋晚年笑傲煙霞手不釋卷三子皆穎異著聲黌序皆其早豫教也

陳潏字下止都御史之龍之子性溫厚善屬文博聞強記尤工于詩早隨中丞宦遊淮揚卽爲金豈凡龔芝麓諸先生所器重順治四年入直侍衛例授

宜春縣志

卷之四

文學

四十二

京秩公孺慕依依力辭終養便就本省制科後應辛卯選貢又重違膝下歡不樂進取惟聚順庭闈以修寢門之節爲人端方自重布衣蔬食無豪貴態恬靜不于外事孝友無間言恂恂守默望而知爲長者狀多爲萋非所讒搆家道中落受之恬如也訂有四傑詩選行世其四子星聚傑出孝友蟬聯人以爲盛德之報云

梁巨植字嵩生進士佳植胞弟七歲能屬文十歲遊泮卽有聲庠序間爲文閱偉奇肆千人辟易惟子

史大家供其驅策而不屑於時藝試高等者屢
卒以數奇不偶每牢騷見志與知名士言亶亶不
倦其丰度固自殊也惜其未四十而賁志以歿三
子皆以文學著聲

袁一颺字扶上祖鴻臚公行古道以善貽後公承之
力行孝弟有容人之度犯而不校殫心理學于先
賢語錄洞窺其奧爲古今文筆妙一世間爲有韻
之言多警句每見知於郡邑賢大夫凡地方公事
毋巨細悉咨之如輯郡乘修秀江石梁請命蠲荒

宜春縣志

卷之四

文學

四十三

皆有成勞爲人溫雅和厚喜聲氣人皆樂與之遊
施愚山先生講學于袁吉之間公無不從施公甚
器之壬子登文行兼優科行年未五十竟以疾終
邑人聞者莫不咨嗟隕涕其生平之立德立言立
功槩可知矣

袁一竣字子尚爲人襟期浩落學富縹緗精周易詩
春秋與侄燕皇少同事筆硯蜚聲菽苑皆見知于
蔡雲怡侯廣成兩先生時有竹林之譽後膺甲午
歲貢廷試後家居淡薄自甘長才不展鬱鬱終□

士林惋惜焉

張自熙字惟適號上止性孝友深愛婉容悉本至誠善屬文有才各司李王公深器重之受知於學使蔡公雲怡先生拔冠多士亟稱許焉操行端嚴喜拯人危難邑舊有馬戶酒亭幫解爲民大患公條陳當事盡革前弊民歡呼稱便迄今賴之平居恂恂如不勝衣至大節攸關則義形於色確不可奪方期大用以邁亂齋志沒未竟所學遠近惜之

朱光裔邑廩生字季賢性耿介手不釋卷於墳典丘

宜春縣志

卷之四 文學

四十四

索性理諸書無不探究麟經素稱浩繁悉融會貫串時爲春秋名家偕諸同志會文講學皆擅文名于當世服教者至今追慕不置

袁世琦字奇奇號爻岫大守一鰲公之冢孫也性孝友純雅恬澹英敏學有淵源其祖常冀望之爲文脩狀出塵與家族子尚燕皇等皆以髫年遊泮爲蔡雲怡先生所賞識每試拔前予蜚聲巽序應丁亥歲貢以二親年老不圖進取朝夕侍養定省之暇日偕諸賢士相切礪砥礪名節清介自持少不

干謁雖蓬戶蔬食中心晏如也親歿避囂南庄杜
門四十載當事引重里中咸共推服家居手不釋
卷詩文自娛凡諸史百家及天文地志靡不殫究
晚證慧業超狀於世外年七十無病而終
劉而寅字泰茹奉父兄家學博洽能文卯角時蔡雲
怡先生卽器重之嗣是三陸諸學使屢拔冠軍文
章離奇天矯有韓海蘓潮之勢爲人醇謹端方尤
爲不愧古君子云

陳涇字源長邑廩生巡撫之龍公季子也直質醇樸

宜春縣志

卷之四

文孝

四十五

有古長者風雖居貴介謙卑自牧奉親孝生事塋
祭靡不竭誠盡禮處昆弟尤篤友于博學嗜古爲
文清折岩逸多所發明常講學於清源山七試棘
闈癸卯壬子皆入彀而復失士林扼腕尤見重於
觀察施公郡守李公有移孝作忠正色立朝之評
生平慎交遊謹狀諾潛心理學以道自樂甘貧好
義不屑計錢穀郡人服其清介甫強仕而卒未竟
所學子六人振振未艾咸謂公之遺澤云

楊嘉材字其丹別號雲谷郡廩生幼敏能文弱冠補

序子員食餼性孝友博學篤行才優經濟縉紳光
生器重之遇有閔地方事皆從商確汰糧一舉與
有勞焉郡侯吳嘗稱其慷慨赴義惟恐後時九試
錙闈未第識者惜之所著有燼餘草螺山集詩文
四卷

袁一蓀字石友邑廩生前會魁魯訓公嫡派明經應
龍長孫也幼失父奉大母及母曲意承歡時以孝
聞生平溫厚和易篤學好古淹洽經史百家爲文
得力於唐宋先正不屑寄人籬下工著述輯有四

宜春縣志

卷之四

文孝

四十六

書講義于先儒多所發明誘迪後進名雋咸出其
門試輒拔前茅而棘闈屢困當歲薦辭不就衡泌
自甘日以義方垂訓子二長克綱擅才名食邑餼
次克紳屢冠郡學舉癸未明經公念胞弟庠生一
蕙乏嗣以克紳爲其後孫八人振轅振麟振轍俱
以英年入郡庠餘皆穎異力學詩書之澤正未艾
云

楊尚義字質卿監察御史以誠裔廩生縉之子也八
歲失怙母嚴氏年甫廿三栢舟誓志訓切熊丸致

早有文譽甲午登賢書後尤涉獵經史至老不倦
癸酉任浙江宣平令拙於吏治甫朞歲輒解組歸
爲人沉靜簡默好學篤行有古人風實縉紳之望
焉

袁克昌號燕皇方伯一鳳公子也鴻才好學雖居貴
介攻苦不異寒儒常傾囊與海內名士遊所見益
廣所學益進下筆洋洋灑灑文思泉湧與叔次莪
相切劘庚子中副車癸卯再應鄉試次莪餞之道
上旣登舟復遺之書曰局貴簡練語必沉雄口受

宜春縣志

卷之四

文孝

四十七

教是科果獲雋淡于仕進隱居燕窩嶺詩酒自娛
每遇地方利弊悉爲當事直陳邑人多利賴焉壽
八十四古所稱達尊者殆其人歟

陳舜道字升聞係都御史之龍嫡孫也早慧有文名
爲督學李公優取食餼同叔涇講學清源又爲觀
察施愚山先生所器重時以北堂垂白雖名列咸
均而絕意仕進居家敦倫植紀庭訓義方子喆昌
郡廩生次林昌邑庠生餘皆森森蘭玉其後未可
量也

廖璜字石友好讀書博通興故與弟璵並若聲鬢序
間路拾遺金召其人給還郡守李公延入西席惟
論文講藝無他請謁以此益器重之負壯懷鬱七
不得遂領丁卯歲薦終其身其子宜振字穀詒承
庭訓文名益振冠多士者屢矣八試棘闈幾得復
失馬大中丞召講學豫章書院以親老不果赴甫
及貢賚志以歿兩世奇才而未獲大展其命也夫
袁克觀字求章江督繼咸嫡孫少負才名與弟克龍
克寵互相師友食邑餼著有四書講義誘迪來學
宜春縣志

卷之四

文孝

四十八

大中丞宋公垂念先賢後裔復悉其篤學能文特
加敬禮甫歲薦卒人多腕惜焉子振翻邑庠生克
承厥志

盧聲字公階淹雅博洽貫穿諸子百家言爲文奔騰
浩瀚勢若江河初見拔於趙文宗繼受知於楊文
宗尤敦孝友撫諸姪爲之完配給產應康熙乙丑
歲貢癸未授寧州訓導未任而卒子麟蓱鳳蓱孫
之松皆列膠庠足徵盛德之報也

□克綱字士勉邑廩生性仁慈敦倫紀善事繼母尤

篤同氣承厥考一蓀家學博通今古文章獨抒
□風味雋永受知干何涵齋先生試輒拔前矛食
餼二十載生平足不屢公庭惟閉戶潛修工著述
輯有五經纂要釋註定本闡昔聖奧旨學者宗之
六赴棘闈甫及歲薦而卒子振轅振轍俱邑庠克
紹家學

劉士基字子開郡廩生博覽群書每遇一題輒作數
藝妙理名言絡繹奔赴屢試冠軍爲郡侯李公邑
侯陸公兩先生所器重惟潛修纂述不事于謁一

宜春縣志

卷之四

文孝

四十九

時從遊多擅才名輯有易經講義未授梓藏于家
以垂後

林喬植字遷于號靜庵性明敏饒經濟才英年補博
士弟子負食餼屢見知于當事順治十七年宜分
二邑應試諸生爭長訟于督學李公批諭兩學諸
生不必嘵嘵候閱文日定奪發案植卷魁五學緣
此而宜邑六學之額永定分乃不復與爭有功于
黌序大矣屢試棘闈薦而弗售克康熙甲戌歲薦
士林惜之其爲文沉酣經史著有春秋典要子基

敬庠生克紹經學庭訓之力也

張□翥字漸達少負竒姿應童子科卽聯翩奪幟□
是歷試多冠軍惜困頓場屋領甲戌歲進士遂絕
志功名於薦裡鄉構蟠龍書屋棲遲自適肆志于
詩賦歌行以鳴其夏憤之情爲文揮毫落紙數千
言立就群推倚馬才手不停披至老彌篤常閒講
席于萍邑遊其門者類多名雋焉甲寅搆寇猖獗
妻許氏懷半歲男出奔遇寇氏不屈赴水死寇持
其男去後十八年父子復合人咸異之丁亥除夕
宜春縣志

卷之四

文孝

五十

無病卒弟鵬翥名噪邑庠家學之所致也

李從時字靖公郡廩生明經李京子也少擅才名篤
學好古尤敦文愛弟待時早夭遺腹誕孤日豐從
時視如己出遭甲寅搆逆刃携姪遠遁保全厥
生寇平歸里田廬荒蕪代爲經營教育授室皆殫
厥心力迄日豐年壯方令與子均分田產毫無所
私其生平大義類如此七躋棘闈甫及歲薦而卒
爲文古雅秀麗更工詩賦著有冥鴻小嘸詩一卷
人傳誦之子日升邑庠生

袁振烈字昆佑邑廩生負才竒偉屢試列前茅爲文醇雅名貴有歸胡遺範濡首諸生中三十二年非應試不履公庭惟潛心理學于四子書多所發明居鄉敦實行砥礪廉隅一介不苟言皆篤論足使狡僞者獻誠暴慢者致恭負壯志未售癸未當薦而卒士林惜之子起煥邑庠生恂謹能學足繼其志焉

方直字晦叔郡廩生性嚴正長於文藝童試時卽爲邑進士袁勝之先生噐重延入西席益加砥礪名宜春縣志

益噪尋肄業昌黎祠白鹿洞郡侯李公南康太守廖公悉優遇之纂脩郡乘分輯邑志皆與有成勞善篆隸工詩詞手不停披筋力過瘁致晚年手澁辭貢不就告給終其身士林惜之

朱應星歲貢生爲孝廉光祺嫡孫博學宏才文名夙著年甫十歲侍母疾不離左右及歿號泣廢殮人稱童孝尤善事繼母內外俱無間言壯歲失偶終身不娶居鄉排難解紛扶危助賻非分之物一介不取授瑞金訓導親裁制藝以課諸生及卒瑞邑

紳士各製誄詞會葬以寄哀慕子松栢俱名播膠
庠亦其庭訓所貽也

朱應斗字炳昭卽應星嫡弟負性聰穎樾梧竒偉七
齡失怙侍兄講席凜遵訓誨補傳士弟子員尋食邑
餼名噪文壇屢困棘闈未盡所學及貢而卒男權
邑庠生猶能弗墜家聲

神童

龍暹字景升幼聰慧有孔文舉李鄴侯之譽尤工大
字正統初舉童子科授中書舍人直內閣慎勤文
詞典麗得上眷陞祠部員外郎預修英憲兩朝實
錄進大常卿食從二品俸馳驛還家廕一子一孫
其撰勅誥文詞翰兼優一時冠蓋得其褒美以爲
榮又簡于交游當時不得爲口實卒訃聞遣官諭
祭塋塋

袁熙號白原一胎舉第三生有異徵岐嶷不凡七歲

宜春縣志

卷之四

神童

五十三

能文詞一目數十行年十二就弟子員輒冠軍邑
庠謁主司試以對四馬十六蹄一日難行千里路
隨答云孤鵬一雙翅霎時飛上九重霄淹貫經史
詩歌樂府無不精妙年十八恩選入對大廷厭時
捷徑竇不妄于顯榮任廣西全州服官□期以內
艱告歸未獲大用遂耽意林泉築室于白原山課
兒終老焉孫繼袞歲薦官翰林孔目今其後人文
輻輳芳徽猶有待云

喻川關提上 邑侯律 峇年十三□

若若腰間橫紫帶峩峩目下加冠豸青天皎日具
爾瞻赤芾甘棠誰剪拜流落冝春無幾人淵源洙
泗同其派願存四海一家心直借東風渡鄙界

辨才

易言字應之少任俠有口才真宗朝覆水蠻寇宜州
邊帥不能制募辯士徃說之言應召單騎徃酋長
迎之喜待之甚恭後竟歸順休兵言書永和二字
于木填之以金因廣西帥遣使入貢真宗嘉之賜
以官言任氣居官不能久後元昊擾邊近臣多薦
宜春縣志

卷之四

神童

五十四

言可任上見其老不欲遣行但令赴流內銓任樞
府司戶叅軍